

雲笈七籤卷之一百六

雲笈七籤卷之一百七

廿七

雲笈七籤卷之一百七

傳錄

陶先生小傳吳興謝淪永明十年作

先生諱弘景丹陽人也勿標異操聰明多識五經子史皆悉詳究善書得古今法不肯婚宦以資管未立且薄遊下位為宜都王侍讀年二十餘便稍就服食遵行道要所待符文妙法蓋是真人遺跡於是業行漸進乃拂衣止於茅山馬觀其神儀明秀盼睐有光形細長項耳間矯矯顯然異眾矣

華陽隱居先生本起錄從子明字本

羽撰

永明十年太歲己卯謝唐事淪先從吳興還聞先生已辭世入山甚懷嗟賞於路中仍為前傳雖未能究洽而粗舉大綱有似王右軍作許先生傳翊從叔隱居先生諱弘景字通明丹陽人也宅在白楊巷南岡之東宋初土斷仍割秣陵縣西鄉之桐下里至今居之陶氏本冀州平陽人帝堯陶唐之苗裔也堯治

冀州平陽故因居焉漢興有陶舍為高祖右司馬子青擢位至丞相十三世祖起漢末渡江始居丹陽七世祖濬交州刺史璜之弟仕兵為鎮南將軍封句容侯食邑二千戶與孫皓俱降晉拜議郎散騎常侍尚書六世祖謨濬第三子永嘉中為東海王越司馬領屯軍隨王出許昌因敗仍復過江為大將軍王敦參軍敦為丞相轉軍諮祭酒後隨敦南下而情懼禍及乃移分屬籍禁錮積年晚起為車騎丞相參軍不就昇平四年卒始別葬白石山之巔瞻湖北高祖毗有理識器幹高奇以文被黜不肯遊官州郡辟命並不就後板校南安正位亦不起元興三年卒曾祖興公多才藝巨營產殖舉郡功曹察孝廉除廣晉縣令義熙二年卒祖隆身長七尺五寸美姿狀有氣力便鞍馬善騎射好學讀書善寫兼解藥性常行拯救為務行參征南中郎軍事侍從宋孝武伐逆有功封晉安侯除正佐固辭顏竣恃寵就求宅以益佛寺弗與因辭官見諫削爵徙廣州後被恩除南海百平縣令後

監新會郡大明五年卒於彼父諱貞實字國重司徒建安王劉休仁辟為侍郎遷南臺侍御史除江下孝昌相亦開騎射善篆隸書家貧以寫經為業一紙直價四十書體以半欣蕭思話法深解樂術博涉子史好文章美風儀凡遊從與蕭思話王劉劉乘周旋多為諸貴勝所賞遇元徽四年冬銜使虜庭通鄰國之好甚得雅稱昇平元年遷都具撰遊歷記并詩數千字及所造文章等劉乘索看仍值石頭事亡失無復別本不得傳世建元三年於縣亡背喪還葬舊墓母東海郡夫人諱智湛精心佛法及終有異焉先是貞實攜家隨蕭之郢州孝建二年蕭亡其年九月母覺有娠仍夢見一小青龍忽從身中出且東向而昇天遂視之不見尾既覺靈語比丘尼云弟子必當生男兒應出非凡人而恐無後尼問其故以所夢告尼云將出家又答爾爾亦是所願時年二十五其冬仍隨蕭部位遷都住東府射堂前參佐廡中以孝建三年太歲丙申四月三十日甲戌夜半先生誕焉是年乃

閏三月明日朔旦便是夏至母即沐浴而起了無餘患先生四五歲便好書今猶有六歲時書已方幅成就九歲十歲讀禮記尚書周易春秋雜書等頗以屬文為意年十一為司徒左長史王劉子吳博士十三父貽宅席卷隨吏部尚書劉秉之淮南郡十五歸都寓憇中外徐胃舍後仍立別宅從此不復還舊廬十七乃冠常隨劉秉尹之丹陽郡得給帳下食出入乘鹿馬乘第二男侯少知名時為司徒祭酒侯雅好文籍與先生日夜搜尋未嘗不共味而食同車而遊俱與江數楮炫等俱為順帝四友故最以才學得名侯作宋德頌連珠七警當世稱絕侯既亡後文章皆零落先生欲為纂集竟不能得是歲昇平元年冬先生年二十二隨劉丹陽入石頭城就袁粲建事先生與韓貴廉淡同掌文檄及事敗城潰即得奔出侯及弟核為沙門以逃為人所獲建康獄死人莫敢親先生躬自收殮瘞葬查別舊墓管理都畢自此棄世尋山而止值宋齊之際物情未安就結劉宗常懷憂傷父

乃因紀僧真求事高帝於新亭即蒙帳內驅使二年正月既彼之平從還東府公仍遣使侍弟五息華六息高侍讀兼助公間管記事先生時年二十三除巴陵王侍郎明年侍從高祖登極還臺住殿內除太尉豫章王侍郎先生云幸運之際頗有微勳何處不容三兩階級遂不拜又明年隨安成王出鎮石頭次歲夏丁孝昌府君憂上郢奉迎冬遷都安厝世祖即位以振武將軍起侍宜都王侍讀齊世侍讀任皆總知記室手筆事選須有文才者先生於吉凶內外儀禮表章爰及賤疏啓牒莫不絕衆敷王書佐典書皆承授以為准格諸侍讀多有慙憚頗致謗嫉先生亦任之不以介意年二十八服闋召拜左衛殿中將軍頗鬱時望先生驚亦不解所以即告度道敏論諸屈滯度為面答武帝云先帝昔親命此官卿不知耶其何辭之度告先生先生喟然歎曰昔不受豫章王侍郎于今五年雖為此職驛馬非驥騄猶欲固辭度切言之云太元已來此官皆用名家裴松之從此轉負

外郎但問人才若官何所托若恐為爾誤我
 事庚子時正被委任總知諸王府事先生不
 獲已而拜矣年二十九清溪宮新成帝宴樂
 之先生拜表獻頌又有伏曼容亦上賦於是
 勅遣中書省舍人劉休宣旨褒贊并勅讓舊
 官金石會于時上意欲刻此頌於石碑王儉
 沮議而止時獻賦者五人惟以先生為最將
 欲遷推會母憂去職尋授振武將軍起特賜
 酒食省祿隨宜都王赴京帝欲幸武進官先
 生復作頌頌成而車駕事廢不復得奏云此
 頌體制奕絕倍勝舊格三年還都方除奉朝
 請拜竟怏怏與從兄書云昔仕宦應以體中
 打斷必期四十左右作尚書郎出為浙東一
 好名縣粗得山水便投替高邁宿昔之志謂
 言指掌今年三十六矣方作奉朝請此頭顱
 可知矣不如早去無自勞辱明年五月遂拜
 表解職求託巖林青雲之志於斯始矣是歲
 永明十一年壬申歲也先生初隱不欲辭省
 出仍脫朝服掛神虎門鹿巾徑出東亭已約
 語左右曰勿令人知爾乃往與王晏語別晏

云主上性至嚴治不許人作高奇事脫致件
 旨坐貽罪咎便恐違卿此志詎可作先生嘿
 思良久答云余本徇志非為名若有此慮奚
 為所宜於是即不詣省直上表陳誠詔賜帛
 十疋燭二十錠又別勅月給上秩奉五斤白
 蜜二斗以供服餌先生既遂命理軸東下衆
 賔並饒於征虜亭舉酒輝袂皆云江東比來
 未有此事乃見今日爾於是止于句容之句
 曲山先生云此山是全壇洞宮周迴百五十
 里名曰華陽之天有三茅司命之府故名曰
 茅山所以自稱華陽隱居亦猶士安之玄晏
 稚川之抱朴凡絳人間言疏皆以此號代名
 先善稽古訓詁七經大義備解而不好立義
 異於先儒議論惟著紙不甚口談尤好五行
 陰陽風角烝候太一遁甲星曆算數山川地
 里方國所產及醫方香藥分劑蟲鳥草木考
 校名類莫不設悉善隸書不類常式別作一
 家骨體勁媚琴棋騎射亦皆領括常言心中
 恒如明鏡觸形遇物不覺有滯礙為人少憂
 感無城疏淡哀樂喜怒時有形於言述者

云皆是欲顯事屬物了無歡愠於曾禱先生
 以甲子乙丑丙寅三年之中就與世館主東
 陽孫遊巖啓稟道家符圖經法雖相承皆是
 真本而經歷稜寫意所未愜者於是更博訪
 遠近以正之戊辰年始往茅山便得楊許手
 書真跡欣然感激至庚午年又啓假東行浙
 越處處尋求靈異至會稽大洪山謁居士婁
 慧明又到餘姚太平山謁居士杜京產又到
 始寧兜山謁法師鍾義山又到始豐天台山
 謁諸僧標及諸處宿舊道士孟得真人遺跡
 十餘卷遊歷山水二百餘日乃還爰及東陽
 長山吳興天目山於潛臨海安固諸名山無
 不畢踐身本輕捷登陟無艱瞻郵寒樓拯救
 危急救療疾恙朝夕無倦其別有陰恩密惠
 人莫得知之雖惜人書隨談治定在人間掣
 述甚多了不存錄謹條先生所撰記世道書
 名目如左
 學苑十秩百卷此一書先生常云辨書并辨
 欲探一事不可拘檢乃鈔撰古今要用以類
 相從為一百五十餘名為學苑此於皇覽十

倍該備近賜謝語音無復此版汝可理成之
此書若畢於學問子筆家無復他尋之勞夫
考經論語集注并自立意共一秩十二卷三
禮序共一卷并自注尚書毛詩序共一卷
左傳已有別定實道養注易必利即是易序

不似復注老子內外集注四卷并自立意三
國志讀述一卷抱朴子注二十卷世語關字

二卷依陸文更以意造世語所關者續臨川
康王世說二卷太公孫吳書略注二卷古今
州郡記三卷并造西域圖一張帝王年曆五

卷起三皇至漢家竹書為正檢五十家書晉
異同共撰之也負儀集三卷王隱記三卷說

名山福地事七曜新舊術二卷占筮略要一
卷有十三法風雨水旱飢疫占要一卷有十

法算數藝術雜事一卷舉百事吉凶曆一卷
本草經注七卷肘後百一方三卷增補葛氏

勅驗施用藥方五卷此二十四種並世用所
撰目書又作相書序述異記序如此等並在

卷中登真隱訣三秩二十四卷此一訣皆足
修行上真道經要妙秘事不以出世真誥一

修行上真道經要妙秘事不以出世真誥一

秩七卷此一詰並是音與寧中東真降授揚
許子書遺述顧居士已撰多有漏譯更詮次

叙注之爾不出外開夢記一卷此一記先生
自記所夢微想事不以示人合丹藥諸法式

節度一卷集金丹藥白要方一卷服雲母諸
石藥消化三十六水法一卷服草木雜藥法

一卷斷殺秘方一卷靈方秘奧一卷消除三
尸諸要法一卷撰集服藥導引法一卷集人

間諸却災患法一卷此九種所撰集道書自
先生凡所撰集皆卷多如書大卷食易提錄

若大書符籙兼四又有圖象雜記若多未得
一二盡知知見也

又作渾天象高三尺許地居中央天轉而地
不動二十八宿度數七曜行道昏明中星見

伏早晚以機轉之悉與天相會云此修道所
須非但史官家用又欲因流水作自然滿刻

使十二時輪轉循環不須守視而惠山澗水
易生苔垢參差不定是故未立先生形細身

長七尺二寸膜止圍二尺六寸薄皮膚露筋
骨青白色長頭面踈眉目鼻小而平直長額

骨青白色長頭面踈眉目鼻小而平直長額

聳耳左耳內輪有大黑誌如豆耳兩孔裏各
有十餘大毛出外二三寸方頤禿鬚露額少

鬚髮右肩上一紫誌如雨錢大右股內有
數十細黑子多作七星形起正方如鐵鎗脚

眼中常見有異光象左右各類未嘗言其狀
聞人說小來本神儀端潔十五已上彌為美

茂每出路人多嘆羨雖冬月行常執扇自障
年二十九特於石頭城忽得病不知人事而

不服藥不飲食經七日乃豁然自差說多有
所親見事從此容色瘦瘠言音亦跌宕闡緩

遂至今不得復常音響本清正大小稱形言
詞率易無安製行步舉動翩翩輕利顏儀和

明不嚴殺小大見之皆樂悅附而自令人畏
服門徒皆附承奉祇肅有如宮庭小來與人

有隔數歲便不與人共醜助飲食及長遊處
宿息常自然安置性不嘲調世中戲謔一切

不為為人強精魂夜行獨宿無所疑畏一生
不識庵入山以來中楊未嘗離體

梁茅山貞白先生傳唐李渤撰

吳荆牧陶濬七代孫名弘景字通明丹陽秣

陵人也初娘母夢日精在懷并二天人降手執香爐覺語左右曰當孕男子非凡人亦恐無後及生標異幼而聰識成而博達因讀神仙傳使有乘雲馭龍之志年十七與江敷褚炫劉侯為宋昇明四友仕齊歷數王侍讀皆總記室牋疏精麗為時所重師法及清溪宮成獻頌宣旨褒贊兼欲刻石王儉議異乃止年二十餘服道後就與世館孫先生諮稟經法精行道要殆通幽微轉奉朝請乃拜表解職答詔優歎賜與甚厚公卿祖之征虜亭供帳甚盛咸云自齊已來未有斯事遂入茅山又得楊許真書遂登巖造靜自稱華陽隱居書疏亦如此代名特愛松風庭院皆植每聞其響便近然為樂至明帝欲迎往蔣山懇辭得止然勅命餉資恒為煩劇乃造三層樓先生居其上弟子居中接實於其下令一小豎傳度而已潛光隱曜內修密潔深誠所詣遠屬霞人可謂感而遂通者也身長七尺八寸為性圓通謙謹心如明鏡過物斯應少憂慮無嫉競滅喜怒澹哀樂或有形於言述者

是願事屬物深慕張良之為人率任輕虛飄飄然恒有雲間器其所修為皆自得於心非傍識能及尤長於銓正偽謬地理曆算天文空發成即為體造渾天儀轉之與天相會其纂真語隱欽注老子等書二百餘卷至永元二年深託向晦及梁武帝革命議國統未定先生乃引諸識記梁是應運之符又擇郊禩日靈驗昭著勅使入山宣旨酬謝帝既早與之遊自此之後動靜必報先生既得秘訣以為神丹可成恒苦無藥帝皆給之又手勅咨迓先生畫兩牛一牛散放於水草之間二牛著金龍頭有人執繩以杖驅之帝笑曰此人無所求欲效曳尾龜豈有可致之理時有大事無不前已奏陳時人謂為山中宰相以大通初獻刀二一名善勝二名成勝為佳寶梁帝金樓子云於隱士重陶貞白士大夫重周弘正其於義理精博無窮亦一時名士也先生常作詩云夷甫任散誕平叔坐談空不言朝陽殿化作單于宮其時人事競談玄理不習武事俠景之難並如所言大同二年告化

時年八十五顏色不變屈伸如常屋中香氣積日不散詔贈中散大夫謚曰貞白先生仍遣舍人監護喪事馬祖得道傳云拔蓮萊山監弟子數十人唯王遠知陸逸冲稱上足焉雲笈七籤卷之一百七